

27 NOV 1998

AGONG HANTAR PERUTUSAN UCAP SELAMAT KEPADA PRESIDEN PANAMA

KUALA LUMPUR, 27 Nov (Bernama) -- Yang di-Pertuan Agong Tuanku Ja'afar menghantar perutusan ucap selamat kepada Presiden Panama, Dr Ernesto Perez Balladares bersempena hari ulang tahun kemerdekaan republik itu esok.

Dalam perutusan itu, Tuanku Ja'afar dan Raja Permaisuri Agong mendoakan kesejahteraan Balladares dan keamanan dan kemakmuran kepada rakyat Panama.

Perdana Menteri Datuk Seri Dr Mahathir Mohamad dalam perutusannya kepada Balladares, menyatakan keyakinan beliau perhubungan baik antara Malaysia dan Panama dapat dipertingkatkan lagi.

Sementara itu, Menteri Luar Datuk Seri Abdullah Haji Ahmad Badawi dalam perutusannya kepada rakan sejawatannya Dr Jorge Eduardo Rittar berkata hubungan persahabatan antara kedua-dua negara boleh diperkukuhkan lagi, dan beliau berharap untuk bekerjasama dengan Rittar untuk mencapai matlamat tersebut.

-- BERNAMA

AFY RI